



Universitätsbibliothek Paderborn

**Isagoge Sive Introductio Ad Vitæ Spiritualis
Perfectionem, Omnibus tam Regularibus, quām Clericis
Sæcularibus, Confessariis, Concionatoribus, & Animarum
Pastoribus perquām utilis, & specialiter ...**

Herlet, Johann Georg

Sulzbaci, Anno MDC.XCIII.

§. 18. Medium undecimum ad puritatem & teneritudinem conscientiæ
obtinendam est mortificatio Odoratūs

urn:nbn:de:hbz:466:1-37853

§. 18.

Medium undecimum ad puritatem & teneritudinem conscientiae obtainendam est mortificatio Odoratus

117. *Quamvis circa sensum Olfactus seu Odoratus possit alicui videri, non esse tantum periculum peccandi mortaliter; nisi cum quis ad finem mortaliter malum v.g. ad captandos illicitos amores odoriferis unguentis se perliniret. Nihilominus SS. Patres gravissimis universim verbis & sententiis perstringunt morem Clericorum & Monachorum, qui bene coram aliis olere affectant, tanquam puritatis interioris & Castitatis inimicum. S. Ephrem unguentum vocat rem fæmineam. S. Clemens Alexandrinus lib. 2. pædagog. c. 8. ait; studium redolentia esse hamum inertia, procul attrahentem libidinis faces; Et ex hoc inani studio à Sapientibus cognosci homines libidinosos. In Concilio Occumenico VII. Can. 16. jubentur puniri Episcopi illi, qui unguentis odoriferis utuntur. S. Cyrillus Hierosol. Catechesi 12. vult exterminari à vestibus suffimentum, voluptatis inescatuum. S. Chrysostomus. homil. 4. de Lazaro ait: Miles es spiritualis: talis autem miles non oblititur unguentis; nam ista cura est meretriciis amoribus implicitorum, ac perditorum, scenicorum, mentisq; deploratae hominum. Te vero non oportet olere unguentum, sed spirare virtutem. Nihil immundius anima, quoties cor-*

pus

pustalem habet fragantiam: corporis enim ac vestium fragrantia arguit, intus latere animum graveolentem ac immundum. Quis enim præclarum aliquid aut bona frugis opinabitur de eo, qui spirat unguenta? verè Poeta:

Non benè semper olet, qui benè semper olet.

Et certè, si nihil mali aut periculi contineret hic unguentorum odoriferorum usus; nihilominus Religiosum virum, qui semper mortificationem Jesu Christi in corpore & carne suâ circumferre deberet, parùm decet, imò summoperè dedecet hujusmodi vanitas: Neque in totâ Antiquitate Religiosâ reperire est olfactoriola, aut balsamotheas: quia omnes nostri Majores timebant censuram S. Athanasii lib. de Virginit. dicentis, eos adhuc conjunctos esse sæculo, & pseudo-Ascetas appellandos, qui odoramentis gauderent.

§. 19.

*Medium duodecimum ad puritatem & teneritudinem conscientiae obtainendam
est custodia Oris, & frenatio
linguae.*

118. NEcessitatem hujus medii indicat Scriptura Proverb. 13. Qui custodit os suum, custodit animam suam: qui autem inconsideratus est ad loquendum, sentiet mala. Et Prov. 18.

25

Mors